

鈞

天

樂

釣天樂

下本

吳儂悔菴填

第十七齣

天試

花面持鏡者一魁星也素面持鏡者亦一魁星也道

淨素面持筆上折腰五斗米炙手四銖錢若問天邊客無過筆一條我乃魁星是也可笑世人把我臉兒畫得花斑斑的失却本來面目又教左手持斗右手持鏡費我多少氣力如今天上開科都用不着只將一筆橫掃干人文昌主試派我監場只索在此伺候副淨紅面紅袍上點頭人盡喜勸帛我猶憐爲道管城子還尋勾漏仙我乃朱衣神是也世人常說但願

文昌詩選
和何太史
韻

人棄天取

朱衣一點頭。叵耐試官糊塗。亂圈亂點。亂叉亂抹。教我主張不來。如今天上開科。筆則筆削。則削。乃我揚眉吐氣之日。文昌主試。派我閱卷。只索在此伺候。

仙呂卜算子
外扮文昌引從上
鐵網空中掛。碧落掄風雅。玉節星毬擁絳紗。一手科天下。

閭闔初開選。俊豪文章月旦在。吾曹玉堂金馬皆塵土。不朽功名天上高。小聖九天開化梓潼元皇帝君。是也。獨秀星辰總持科甲。祇因世間考試顛倒賢愚。那有文字三場。果是金銀兩榜。楚山朋玉滄海遺珠。爲此上帝震怒。命我爲校文主司。專取那下第才人。

龍西公子
浩客大奇

他如學而
第一為政
第二

中式擢用。這是開天首科。可稱亙古盛事矣。二淨躬
介外題星。你將舉子花名冊點進淨領法旨。

番卜算。生小生末備服上。生四海總無人。小生千里誰
名馬末一封書奏九重。階合待詔天門下。

淨點介。沈白生有淨楊云。小生有淨李賀末有引兒。

介外諸生各負奇才。未逢知己。今乃千載一時。務展

生平以副帝眷。衆領法旨外。沈白題是廣寒宮上梁。

文楊云。題是織女催粧詩。李賀題是白玉樓賦。諸生

下筆千言。一時未能遍閱。可將大意彙括成篇。念與

我聽。衆領法旨生上。

仙品桂枝香。冰輪夕下。瓊樓高。架借吳剛玉斧。修成招
還曲。葉喜銀橋飛跨。看天香散花天。香散花。兔丸催打霓裳
舞。罷問誰家。宮殿如明鏡。嫦娥號麗華。

副淨點頭介外。果是奇才。宜有無雙之目。小生上。
前腔黃姑新嫁。彩雲如畫。報牽牛機杼初停。喚烏鵲河
梁高駕。待張騫泛槎。張騫泛槎。金風吹打玉鈎燈。掛七
香車。天母親調粉日。見憐。賜花。

副淨點頭介外。絕妙好辭。可謂生瑜生亮。末上。

前腔天梁高大。風簷相亞。猛擡頭樓閣空中。纔舉足煙
雲堂下。勝瑤臺白華。瑤臺白華。琉璃編瓦。珊瑚作架。美

用雲安公
王能姓詩
怡和

無瑕。畫壁施丹粉。紅窓綴綠紗。

副淨點頭介外奇哉。可稱三絕。老夫當讓君輩出一頭矣。衆不敢。外你三人可。

前腔。文場班馬。騷壇屈賈。映芳姿。玉樹風前。馳令譽。金聲日下。此等奇文。若遇世上主司。又不中了。喜相逢會家相逢會。家羽毛當假風雲同。野最堪誇。紫闕題黃榜。玄宮草白麻。

諸生出院。明日進呈卷子。聽候臚傳。外二淨下。二生未相見介。生黑卿兄弟。自你屬纊之後。我肝腸斷絕。血淚幾枯。不意今日重見故人。你寄寓何所。弟婦可。

相從否。小生幽明異路。思念相同。弟與弟婦暫寓石
曼卿芙蓉城中。哥哥改日相訪便了。末古云。一死一
生。乃見交情。兩兄之情。所謂生死而骨肉也。今日相
逢。可以破涕爲笑。二生好說。生悠悠。生死別經年。小
生走馬西來欲到天。未聞道。甘泉能獻賦。看題日月
更高懸。同下。

第十八齣 天榜

雜扮四天王分立。老旦扮黃門上。銀燭朝天紫陌長。
衣冠身惹御爐香。侍臣鵠立通明殿。一朵紅雲捧玉
皇。下官乃南天門下黃門官是也。今日玉旨傳臚。在

此伺候內鳴鞭介奏事仙官上殿外袍笏捧卷引二
生木巾笏伏介七曲文昌星勅封梓潼帝君臣張仲
奏聞陛下老旦奏來

南呂香柳娘外聽星官奏言聽星官奏言旁求俊彥英
材鼎立千人見獻新書幾篇獻新書幾篇奇奧似坤乾
古質同謨典上吾皇御前上吾皇御前恭聽臚傳宮花
賜宴

老旦接卷入內介內知道了午門外候旨外萬歲先
下內傳一句老旦接傳一句第一甲第一名沈白生
臣有內第一甲第二名楊云小生臣有內第一甲第

試讀可
一大白

三名李賀末臣有內各賜進士及第宮花錦袍走馬
遊街宴藥珠宮奏鈞天樂着掌文學士蘇軾陪席生

衆謝恩介二旦扮宮女捧花袍上着介

前腔生衆繞龍鱗帝顏繞龍鱗帝顏雲開羽扇香飄合

殿春風轉見昭容近前見昭容近前紫袖引貂蟬韋帶

漆宮線羅鼓吹瓜傘上生衆上馬介介跨金鞍玉鞭跨

金鞍玉鞭白馬翩翩天街踏遍

行介雜稟爺前面是五城十二樓了

前腔介望層城儼然望層城儼然丹樓霞捲白榆歷歷
紅塵軟度青霄紫煙度青霄紫煙十里杏花天日近長

此指樹下
換高中者
承象大是
不同

報與時人
洗眼看

安遠過傳四狀元漫傳呼狀元只怕驚破人間道窮酸
活現

第十九齣 天宴

南呂引子生查子外吉服引從上新種上林花式燕嘉賓酒
叨列散仙班獲聆鈞天奏

披公爲天
上泰星
駁語出
仙才文真
六

宮月如眉伴直廬花磚日草五雲書九天新賜櫻桃
宴法曲仙音出紫虛下官掌文院學士蘇軾是也凡
人天著作無不收藏高文妙句留爲美談蕪語淫詞
積成罪案今早接得新殿試鼎甲卷子果然大雅卓
爾不羣奉旨賜宴藥珠宮奏鈞天廣樂著下官陪席

鈞天樂

下本

五

此樂自秦繆公夢見以來人所未聞必有奇偉之觀
左右門外伺候到時通報雜曉得

前腔生小生末騎馬引隊上走馬踏花香衣錦行春畫
新釀郢池醪共飲皇恩厚

雜稟爺到瑩珠宮了生衆下馬外迎介生紅綾叨盛
宴小生赤壁仰奇才末傳鉢推先達外積薪讓後來
外定席介生衆老先生鉅公前輩晚生焉敢占坐外
奉旨陪席休得過謙行酒介

數枝弘麗
黃鐘大
過曲
南昌梁州新郎外筵開果壁酒斟北斗欣對文章列宿
西園草蓋何慚王阮應劍堪羨嬰鳴同響華萼交輝天

歌哭之飲
狂瀟灑之
飲怒天宜
之飲則快
矣沈生雅
量不淺

馬齊驥首盛名兼絕唱。最風流笑做三公。羞五侯。合將
進酒爲君壽。吹笙鼓瑟歌三奏。嗷學士假瀛洲。

〔雜〕稟爺一奏鈞天之樂。內金奏介。

前腔生白。狂沈瘦子。處有數載名場。做帶人間長閨。
除非天酒澆愁。何幸晴。月日射黃金。獨占羣龍首。
諸公皆閣筆。鳳皇遊。是詩在上頭。合將進酒爲君
壽。吹笙鼓瑟歌三奏。嗷學士假瀛洲。

〔雜〕稟爺再奏鈞天之樂。內細樂介。

前腔換頭小生。嘆孤踪。楚尾吳頭。愧上第。盧前王後。夜
臺何寂莫。還畔牢愁。喜得彩鸞比翼。蘭臭同心。雲路重

攜手幾時華表。宦返哀丘。暫慰人間。確露。合將進酒。
爲君壽。吹笙鼓瑟歌三奏。學士假瀛洲。

〔雜〕稟爺三奏釣天之樂。〔內〕十番介。

前腔末。雁門行。古錦囊收高軒過。荷衣裁就。夢曾遊天。
上。煙點齊州。果看承明謫。帝。厚。空。心。血。還。堪。嘔。乘。
箕。張。翼。角。上。奎。婁。萬。天。光。共。射。斗。生。合。將。進。酒。爲。君。壽。
以。笙。鼓。瑟。歌。三。奏。學。士。假。瀛。洲。

〔雜〕稟爺奏天女散花之舞。眾旦扮仙女執花上舞散。

花下

節節高外。天花散彩。毵錦纏頭。青琴萼綠。雙垂手芙蓉。

連用八宿
見奇

最麗奪目
使人有凌
雲之思

秀芍藥柔梅枝瘦荷衣蕙帶丁香紐翠盤白綰江
合醉乘金蓮清夜遊宮門又聽穿花漏

雜稟爺奏仙人騎鶴之舞雜扮仙人騎鶴上舞下

前腔生衆仙人黃鶴樓上揚州九阜一吸雙翎闔蘇軾
舊子晉綵孤山又玄裳綳帶黃冠瘦迴鸞翥鳳堪相偶
合醉乘金蓮清夜遊宮門又聽穿花漏

貼扮內官捧旨上玉旨下沈白楊云李賀各授修文

郎之職沈白可兼巡按地府監察御史楊云可兼巡

按水府監察御史各給勅印差滿還曹李賀留白玉

樓校書欽哉謝恩生衆謝介貼請過勅印二生接介

又一快也

〔外貼〕三位先生恭喜賀喜生衆不敢

尾聲貼〔纔歌振驚遷驚驟外〕繡斧看馳御史騶貼諸公

鈞天之宴樂平生衆此曲祇應天上有

〔外人間能得幾回聞〕末半入天風半入雲生兩地江

山萬餘里小生何時重謁聖明君分下

第二十齣 瑤宮

〔商調〕十二時老旦扮王母二侍女隨上弱水今有幾又

滄海揚塵久矣碧椀花開玄霜藥確青雀西飛爲問紅

兒歸來白雲如戲

小聖乃九靈太妙龜山金母緱氏婉妤是也唐崑崙

才子佳人
六有若耳
回頭極省
應第八韵

玄圃聞風之苑、金城千重、玉樓十二、左帶瑤池、右環
翠水、木公金貴、玉女相從、有王子登、彈八瑯之瑛、董
雙成吹雲和之笙、石公子擊昆庭之鐘、許飛瓊鼓震
靈之簧、阮靈華拊五靈之石、范成君擊洞庭之磬、段
安香作九天之鈞、安法嬰歌玄靈之曲、可謂滿堂美
人矣、今有魏氏寒簫、本是傳言、玉女因與侍香金童
沈郎私訂三生、誤投五濁、但能兩人應作天邊匹偶、
却無人世姻緣、故使終日窮愁、少年離別、備嘗才子
佳人之苦、今寒簫謫滿回來、仍留膝下、以待佳期、已
令青鳥引至、早見一靈見到也、且上謁金門、情脉脉、

絕妙好辭
仙鬼各半

生受西風百尺細雨小樓歸未得斷魂無處覓回首
書衣香烏淚點青楓凝碧霧髻煙鬟愁獨立一聲天
半笛奴家魏寒黃芳年早喪地府不收一點孤魂隨
風遊戲偶然渡海而來見那瑤臺貝闕琪樹珍禽乃
是西王母之所居不免向前拜告則个見介娘娘在
上女鬼魏寒黃稽首老旦你是誰家女子爲何到此
旦念寒黃呵

商調二郎神年韶雅護春嬌小窓深閉畫卷詩箋悵薄
過曲慧心香自裊諱愁無奈雙眉飛絮簾櫳芳草醉咒金鈴
花花卿淚鎖空閨整無聊孤宵夢影低徊

半字素娟

老旦你曾字夫婿否旦兒夫沈白奴家嫁前三日一
病而亡

前腔換頭虛題燕兒生小鸚哥作對蝶粉蜂黃渾未退
妬花風雨那堪曉夜相催老旦你如今思想他否旦盼
斷天涯文鳥配畫眉舉案同誰紅絲脆問何日鸞膠
重接門楣

老旦你如今想游何所還願受生人世否旦自今以
後願兒生生世世勿作有情之物

轉鶯兒春星暗明荒樹低閃的魂鏡迷離弱鬟怯被剛
風吹一聲鐵笛喚醒夢雲梨羣報報收寒黃爲侍女不

勝萬幸。拜介。覩床留侍。掃花願作觀音婢。謝巾幘。淒淒。
嫁娶不讀斷腸碑。

〔老旦〕起來你既願在此。可賦一詩。用觀雅韻。〔旦〕寒黃
怎敢。〔老旦〕不妨。〔旦〕吟介。三素城邊瑤草長。銅車初返。
杜蘭香。碧樓夜靜。閑無事。獨自吹簫惹鳳凰。〔老旦〕好
清新之詩。今後可住我瑤宮。爲散花仙史。〔旦〕多謝娘
娘。

猶兒墜玉枝。〔老旦〕折花傷輦。莫學寶兒癡。紅紫春秋女。
史。宜游棠列傳世家梅。〔旦〕敢誇花藥夫人隊。戴金莖仙
家舊規主。芙蓉芳卿姊妹。

仙何月
兒爲瑤宮
花史載

語云不
念此花不
得下仙家

老旦寒簧今日我赴雲林之宴可隨我去來旦曉得
尾聲老旦雙成雙禮堪聯袂旦奏笙歌漸漸薄伎老旦
寒簧你金醴先嘗第一杯

可憐桃李斷腸花雲髻盤時未破瓜旦西望瑤池降
王母今朝青鳥使來賒同下

第二十一齣 蓉城

芙蓉城乃大石調
木芙蓉也
若蓮花則
宜名芙蓉
芙蓉曰蓉
後主于城
引子
念奴嬌木冠帶離隨上洞庭葉下嫋秋風荒草
茫茫如夢誰剪輕綃披木末扶出漢宮新籠色奪丹楓
香分紫菊獨領專城俸新開三徑爲延求仲羊仲

下官石延年表字曼卿性本風流才能調笑瓦學士

芙蓉城

亦此意

仙曹第一
美缺

之謔。偶落人間。花貴妃之名。每懷天上。上帝封我爲
芙蓉城。主管領一班艷麗女郎。果然金谷滿園。不數
河陽一縣。前有友人楊墨卿。同他眷屬。寄寓此間。聞
得新殿元沈子虛。欲來訪晤。已會折簡相招。醞酒治
具。可博一醉。院子門外伺候。雜曉得。

正宮 燕歸梁 小生廻帶上新捧金函出玉宮。喜暫借故
引子 人風。小旦上粧臺重拂鏡。芙蓉花洗面。一雙紅。

〔小生〕夫人今日沈子虛哥哥相訪。可同到曼卿兄家
走一遭。小旦正是。見介小生曼卿兄子虛相訪。可以
班荆道故。但費兄床頭物。奈何。〔末〕我有斗酒。藏之久。

不欲隱齊
天人者然
自禱花來
矣人久不
見矣點終
自任况仙
家原無還
避之例

矣。小生但使主人能醉客。末十千沽酒莫辭貧。生冠帶上。涉江采芙蓉。蘭澤多芳草。采之欲遺誰。所思在遠道。今日承石曼卿相約。與暴卿兄弟一敘。迤邐行來。此間已是門上通報。雜報見拜介。西江月生。久仰芙蓉城主。末新瞻碧落仙郎。小生故人握手。喜非常。生感舊還添惆悵。末偶借一校濃艷。小生共傾十斗清觴。小旦風流重接令公香。生且幸紅粧無恙。末子虛兄。城上芙蓉盛開。小第薄設杯酒。同去登高一觀。何如。生固所願也。但相擾不當。末好說。小生夫人暫且迴避。小旦下。塲上設花桌。作登城介。生你看一望。

芳卿美室
婉女子見
小名錄又
王子高與
仙女周鼎
英游美地
城百餘日

錦宮兩行紅粉，解如列繡，爛若蒸霞，不殊香國曼陀。
豈藏仙家旌節，是好花也。小生正是若教解語，應傾
國。縱是無情也，動人。末行酒介。

正宮 白練序錦芽繡種，再試楊家一捻紅。臨秋水，鬢
過曲，暗香浮動。生 曼卿兄，你花神百里封，似一隊霓裳寶粟。
宮 小生羣芳擁養，羅浮梅國天台桃洞。

末 有幾箇揶揄處，侯欲令他來祇候生，使得末院子。
喚芳卿瑤英。妮子出來，作酒。維喚介。二旦上。鸚鵡
頻呼佳客酒。芙蓉不及美人粧，內作樂。二旦送酒唱。
醉太平 當年供奉記沉香亭北，解釋春風，櫻桃楊柳花。

前笑捧郢簡。二生相逢坐中。一點御溝紅。啓絳口新歌。
羅噴。鳥啣珠鳳。裙拖玉蝶。釵褭金蟲。

末女樂且退。吾輩解衣盤礴。揮麈清談。以消風月。三
旦下生衆更衣下城。介生果卿兄弟。自你別後呵。

白練序換頭。生埋玉樹中。分飛斷蓬。白楊路。喚不醒酒。
壚殘夢。小生便是小第。呵。泉臺哭路窮。難向衡陽覓斷。
鴻。合。今宵共池塘春草。正堪聯詠。

生嘆介。小生哥哥爲何長嘆。生兄弟。我兩人雖幸同。
登天榜。你夫婦俱仙。何等快樂。只我寒貧妻子。青年。
天歿。無處招魂。使我鏡愁分鸞。琴悲別霍。人非木石。

因見素純
而思寒貧
益知齊大
人一出不
虛

阿慶就絳
仙爲崑崙
夫人言
同此
接符

何以爲情悲介

醉太平換頭悲勸一枝紅。堊弔金釧。芳草香繡春風合。
歡果解。夫人名號空同。小生哥哥不必悲傷。嫂嫂不在。
人間必在天上。哥哥今往地府。小第亦往水府。上窮碧
落下極黃泉。到處訪問。自有重逢之日。追從人間無路。
叫真容便入地。升天須控合雲迎。雨送玉妃。釧盒再會。
離宮。

〔生〕第輩醉矣。就此告辭。末有慢嘉賓。尙容祖帳。

尾聲錦帆何日挂秋風。小生又匆匆。驪歌欲動。生這幾
聚芙蓉。也有牽衣惜別之意。今夜紗窓夢小組。

來葉簾不
得乃寄興

子帶中之
花乎一笑

芙蓉城中花冥冥。小生但願長醉不願醒。未君看卽
時一杯酒。自古賢于身後名。分下

第二十二回 地獄

淨扮閻王。副淨扮判官。上。酆都空立。狠閻羅。馬面牛
頭。世上多只道。漆河天下險。人心更有惡。風波小聖
乃。第五殿閻羅天子。非箇是掌案判官。俺這地獄之
設。原爲世間淫殺盜妄。造不了種種孽緣。便是官裡
斬絞流徙。斷不盡重重罪案。因此輪迴六。劫。刑。上加
刑。教他出脫三災。法中求法。爭奈奸雄遍地。無非鬼
面耶。又貪惡滔天。盡是人頭羅刹。他道受用百年肉。

林酒海也。值得半刻劍樹刀山。兼且倚仗十股虎口。蛇心誰怕。那一點銅丸鐵屑勾魂牌來。三去四前件。難銷阿鼻獄堆。萬盈千。後來怎放。咳。這便是佛出世。救不得。則除非天滅盡。始能開。今奉上帝玉旨。欽差沈狀元巡察地府判官。你預備幾宗案卷。待下馬投遞判領法旨。虛下生引隊捧勅印上。

北新水令。纔離了九天閭。閃彩雲間。顛陰風黃埃撲。眼鞭笞飛白雨。劍戟立青山。點鬼登壇。俺待片言勘破。

三生案

判跪接介。地府第五殿閻羅天子。差六曹掌案判官。

反二十
一史洞見
京派也音
絕快絕

平領陰司各役迎接老爺（雜）起去（生）請王爺相見（淨）
見介（恭）喜老先生雕龍甕日名冠諸天驄馬飛霜
威行十地俯渡無邊之海仰瞻有脚之春（生）殿下權
尊北極判重南山下官幸奉專綸借觀成竹未諳刀
筆仍望指揮（淨）恭候升堂分當陪侍（生）豈有此理（殿）
下（暫）請同官只留判官一人磨勘案宗便了（講）從
台命別下（生）升座（喊）堂介判官你地府文卷頗多不
能遍覽本院此來只理冤獄該司冤獄有幾判本司
有五大冤獄（生）那五件判第一宗是蒙塵獄（生）何謂
蒙塵判如劉（融）教懷慈金人殺徽欽等卷第二宗是

太史公爲
嚴密平証
以思王爲
魏后給主
其乃聞所
未聞

與尸獄生何謂與尸判如呂馬童殺項羽呂蒙殺關
某等卷第三宗是藏弓獄生何謂藏弓判如勾踐殺
文種蕭何殺韓信等卷第四宗是投珠獄生何謂投
珠判如曹操殺楊修劉表殺福衡等卷第五宗是埋
香獄生何謂埋香判如呂雉殺戚姬曹丕殺甄后等
卷生今日先弔埋香獄聽審判嗶唱介第一起爲如
殺事原告戚氏被犯呂雉干証司馬遷丑扮呂帶鎖
貼扮戚青衣外扮司馬便服上生子長請起一邊外
立介生戚氏你有何冤可訴上來貼哭介大人在
念戚氏呵

仙呂入南步步嬌楚歌纔闕宮車晏春杵青衫賤便是
雙調日春薄暮也所甘心爲何輝耳斷肢慘毒至此况如意
何罪亦鳩殺之乎煢煢母子孱豈學韓彭鞅望諒反生
你爲何告司馬遷作証貼當日人貳之事惟惠帝見之
至于哭泣不食本要告他作証恐子爲母隱那司馬遷
作史記曾載此事豈能爲尊者諱乎小子長此事果真
否外以愚所聞實無異詞貼正筆自難刊太史公你未
嘗不廢書而歎

生呂氏你有什么說呂妾聞母愛者子抱昔高帝寵幸
戚姬欲立爲后若非留侯計招四皓必立如意爲君

戚姬爲后。不知帶妾母子何地。這是以直報怨。豈妾之罪乎。生怒介。呂氏你幽少帝。殺二趙王。誅淮陰。醢彭越。幸審食其。王產祿。幾危漢祚。惡不勝誅。但人彘之事。更非人所爲耳。今日何得強辨。

北折梓令。差殺你楚軍中。與碎陽姦滅了功臣。害了親藩。假扮商山。硬移炎漢。活剝紅顏。寵婦人家。又不曾三章觸犯。何忍把五體摧殘。我如今照戚姬之例。處置你。使了鬼使。將呂氏剗其眼。剔其鼻。截其手足。貯之甕中。令此嫗骨醉一霎時。雉尾分斑。狐首懸竿。不是我左袒安劉。須信道天道常還。

子建不來
方有地步
不然
說兄嫂矣

卒鎖丑下貼多謝大人衆下判唱介第二起爲殺婦
事原告甄氏被犯曹不郭女王干証曹植現爲遮須國王
生扮曹不老旦扮郭
卒稟爺曹植現爲遮須國王
未便拘喚王這了甄氏你有什么冤可訴上來旦
大人在上念甄氏阿

南江兒水博士袁郎婦離家奉五官王衣履體神非幻
塘上蒲生詩非訕流泉三峽琴非怨謔長門遭難披
髮填嶽何異漆身吞炭

生郭氏你爲何恃寵殺嫡老旦當時廢立皆由主上
非妾主張况妾亦爲明帝逼勒自盡足以相當生這

還可恕曹丕有何說小生丕聞漢武帝殺鉞弋夫
人而立非陵丕亦殺甄氏而立叡蓋鑒母后臨創之
禍也况甄氏乃袁熙之婦失節從人難以正位中宮
生甄氏失節固非烈婦但汝父曹操曾言今年赦賊
木爲此奴父子共爭一女是爲不孝曹操先爲子建
聘甄氏甄氏亦慕子建之才汝強奪之因此又廢陳
王是爲不悌曹操尚未篡漢汝竟逐獻帝而據其位
是爲不忠汝不負文章寧知廉恥

北雁兒落帶得勝令你本是剛周文小阿瞞漫誇說駕
吳質凌王粲你待將女中王粲受禪壇直把洛川妃做

快哉浮一
大白

山陽墓可笑老瞞分香賣履骨肉未寒你將刺雀血塗諸
妓盡納後宮下后罵道狗鼠不食汝餘漁色包羞一至
于此既是靈芸瓊樹女邊干怎將翠羽焚明珠銀笑殺
你貽繡枕真胡侃可知你咏鼎屏也厚顏郭氏汝流從
輕發落罰與甄家作婢曹丕本當重刑姑念曾居王位
廢為庶人流三千里甄氏判歸子建送還須國法笑介
包彈感甄賦從頭看建也庶和換姻緣是俺撮合山

旦多謝大人雜鎖曹丕同衆下判唱介第三起為謀

獄事原告楊太真被犯陳元禮干証高力士小旦扮
楊道承淨扮陳帶鎖丑扮高上生太真你私幸奚奴

肅。或人主。五宅驕淫。兩京傾覆。一死未足贖罪。更有何冤。小旦。大人在上。妾罪固當萬死。但使三郎賜玉奴死。玉奴不敢不死。陳元禮何人。輒敢犯上。至使天子不能庇一婦人。自古臣弑君。子弑父。欲加之。非患無辭乎。生。這却講得有理。小旦。可以我玉奴呀。南僥僥令黃裙拋道路。義髻逐河灣。恨殺這跋扈將軍。非兵諫。便是明皇呵。怨見那薄羅衣繫玉環。

淨。這時節六軍不發。可奈何。非元禮一人之罪。丑。陳元禮當日國忠已死。軍心稍定。你若一言曉諭。娘娘亦不至死。況死後又令軍馬踐踏。汝心何安。生。陳元

伏虎浮一
大白

禮你雖非謀弑明是威逼况以下逼上罪宜加等
北收江南呀你把那舞霓裳斷送在馬嵬山繡香囊
泊在劍門關雨淋鈴夜淚潸潸開元天子救不得小雲
鬟鬼使將陳元禮係下重打一百打介且蒲鞭示寬且
蒲鞭示寬你怎知天長地久恨綿綿

陳元禮寄泥犁獄高力士送妃子回驪山宮去小旦
多謝大人衆下判唱介第四起爲負心事原告霍小
玉被犯李益干証黃衫客旦扮霍未扮李外扮黃衫
上生霍小玉汝係病人爲何告李益旦大人在上妾
與李益誓爲夫婦口血未乾負心更要使妾飲恨而

終非李益殺妾而何

四語千古
傷心

南園林好只指望誓海盟山。倒變做雨覆雲翻。活活把
玉釵敲斷。扯。末。哭。介。十。郎。十。郎。我。為。女。子。薄。命。如。斯。君。
是。丈。夫。負。心。若。此。誰。辜。負。舊。烏。欄。誰。辜。負。舊。烏。欄。

生李益你何薄倖至此末非是小生薄倖實因母命
難違生哇

無情則安
日食之
後塘君
秋人也

北沽美酒帶太平。令你道是奉萱親。兩下難。奉萱親。兩
下難。却不管盼斷了望夫山。病兒中淚點空班。夢兒中
對脫空還。黃衫客。你也是不了事。漢小玉既死。何不手
刃此奴。謝佳。人。于。地。下。豈。囊。中。七。首。不。利。乎。外。彼。時。本

快哉評一
大白

昔有人魂
遊陰司者

曰冥中惟
負心鐵騎
重焉乎艾
子云如此
安得獄空
耶

一回驚
膽

欲王成好事不料一
決絕又因眾人勸解不曾下手
悔之晚矣生你待學卽
子以怎不把葛溪判斷便粧
成珣尾疑幻也雖雪玉釵悲嘆鬼使將李益擲去長首
示衆斬介生你這般恃頑弄奸我教你血乾胆寒牙這
纔了負心人一篇公案

旦多謝大人衆上生判官還有幾起未問判還有鈎

弋夫人一起花紫夫人一起綠珠一劫娘一起張

麗華一起步非煙一起生今日已晚分付明日聽審

判頃生判官我問你地府在死城中可有女犯魏寒

鑽否判待早職查來查介稟大人勾魂簿上從無此

女姓名生淡介我的妻阿

北清江引難道春風不度鬼門關珠魄隨雲散內要喝
介判地獄拷打生這是鼓吹一部喧內斗苦介判囚
犯叫苦哩生這是猿猱三聲嘶咳幾時把煖律吹開陰
谷寒下

第二十三齣 水巡

淨戎裝引隊上四寶河居長羣龍我獨尊一清開聖
世九折到天門小聖乃黃河之神金龍四大王便是
玉帝欽差楊御史巡察水府先到黃河須索走一遭
也這黃河阿

此套創自
正宮
過曲

此套創自
正宮
過曲

正合

南。曾。天。樂。注。天。潢。連。滄。海。出。崑。崙。環。岳。岱。百。川。長。
百。川。長。汝。漢。江。淮。捲。雲。濤。浩。蕩。無。涯。合。牙。駕。龍。驂。荷。蓋。
朱。宮。貝。闕。開。待。起。長。風。千。里。千。里。波。浪。歸。來。

虛下小生引隊捧勅印上振衣千仞岡濯足萬里流

一口吸盡西江水一脚踢翻鸚鵡洲丈夫氣概當如

此笑你到堂膠芥舟下官楊云奉令巡察水府到此

走黃河了淨引隊上稟稟介黃河神金龍四大王

迎接老爺小生請過相見見介小生請問河伯河道

有幾淨有九河小生都九河淨太史馬頰覆黼徒駭

胡蘇簡潔隔津鉤磐其一乃經流也小生煩引一觀

浮願為前導行介小生衆唱

中北朝天子望黃河一涯貫青天九域看潞河幾曲如
衣帶熒光綠字把乾坤畫開進鈎鑿從徒駭鼉鼉梁正
排魚鱗堂宛在往來往來駕樓船中流擊汰中
流擊汰待浮檣牽牛界

分下老旦上九歌何處降湘君上士七步空勞賦洛

神小旦上漢上曾逢解佩客合江頭同作弄珠人老

旦妾乃湘夫人也旦妾乃洛水宓妃是也小旦妾

乃漢皇女是也合楊御史巡察水府我每各當迎接

一同前去

曾天樂老旦江之永芳蘭採小旦漢之廣明暗解曲
波步凌波步羅襪生埃鄂君舟繡被金釵合牙駕龍
荷蓋朱宮貝闕開待趣長風千里千里破浪歸來

小生引隊上雜稟爺有江漢洛三位娘娘來接小生
請過相見見介小生下官此行由湘而漢由漢而洛
敢煩三位夫人指引三旦領命行介小生衆唱

朝天子望夫君並來照漣漪鏡臺取明珠翠羽並舟載
辛楣桂棟羽芳椒滿階菱荷衣絲蘿帶寒芙蓉粉照吹
參差天籟小生借問夫人水仙女伴可有魏氏寒黃否

三旦金無此人小生渺懷渺懷渺懷對鰈人橫波淚

酒橫波淚洒平江妹今安在

分下淨上大海洋洋水所歸副淨上龍德先天天不
違外上海從天漢分黃道末上龍向天門入紫微淨
寡人東海龍王是也副寡人西海龍王是也外寡人
南海龍王是也末寡人北海龍王是也合楊御史案
臨海上已差水官迎接我每會集在此設宴想卽到
也

會天樂嘆次羊澤洪大聚珍奇生光怪呼蛟蜃呼蛟蜃
吞吐樓臺笑乘桴浮海無材合呀駕龍蹙荷蓋朱宮貝
闕開待趣長風千里千里破浪歸來

小生引隊上雜稟爺四海龍王在此小生道有請見
介小生未造靈宮敢勞法駕淨衆少治非席奉洗清
塵小生多謝了淨衆有四海水族簿一冊呈覽小生
留下細看鼓吹行酒介合唱

朝天子水晶宮大開木蘭舟列排聽天風鼓翼聲澎湃
燃犀一照見蝦鬚蚌胎水仙謠冰夷珥剪尊瑱鱸鮓拍
酒池持蟹快哉快哉快快哉掛綸竿漁歌款乃漁歌款
乃木腸兒真瀟灑

淨衆別下小生分付打道回去衆應行介合唱

曾天樂騎鯨的何其億斬蛟的終無賴奇觀止奇觀止

此篇了白
王樓賦題
開正傳直
作者白張
眼孔耳且
使瘦李聶
蘇松掌一
空亦是快
事

悠遠長懷傲名山地肺天台呀駕龍驂荷蓋朱宮貝闕
開待越長風千里千里破浪歸來下

第二十四齣 校書

仙呂 望遠行前末巾服雜扮童隨上樓高尺五差勝石
渠天祿萬卷攤書南面百城亦是

博物當求五車惜陰莫廢三餘早知窮達有命悔不
十年讀書下官李賀表字長吉家本隴西公子蒙上
帝召拜修文郎之職校書白玉樓日披二酉夜討六
辛常伴太乙老人豈數五經博士今有掌文學士蘇
子瞻携送古今載藉來就品題正好奇文共賞疑義

相晰童子烹茶伺候。禮曉得外巾服雜扮童抱書上。
望遠行後有客新賦玉樓老我舊司玉局且共剪西窓
玉燭。

下官蘇軾奉旨送書與李長吉已到玉樓門上傳報。
雜報末迎介外。紫珠宮裏幸接珠庭末。自玉樓前屈
移玉趾外。下官奉旨送古今詩文共千卷乞一一收
覽。末久慕貴院藏書之府幸得借觀如貧兒暴富矣。
外今日清暇幸賜校讐并求指教一二。末豈敢願與
先生同之。看介子瞻先生那六經以上吾輩固不能
贊一辭。至如子莫妙于莊周然失之說史莫奇于馬

孫劉王通
楊雄千古
義服

遷然失之偏騷莫麗于屈原然失之激賦莫高于相
如然失之靡自此以下豈有全才最可笑的是

仙呂
過曲

羽調排歌中說元經法言玄告效顰先聖規模九

歌七發書葫蘆十載功夫費練都外長吉先生文章作

者固難知者亦不易卽如昭明文選界見一斑然愚嘗

謂李陵答蘇武書偽而不能辨淵明閑情賦訛爲白璧

微瑕乃小兒強作解事者先生以爲何如末李陵太節

卽文筆果真何足道哉昭明旣取巫女洛神而獨貶閑

情正如登徒子非好色者乃有淫行耳外笑介可謂英

雄所見畧同刪陶賦收李書高唐淫矣美新誣合空矣

知已
祖龍乃有

可破次聲
之習

木老蠹魚秦人一火快哉無

末再看介詩三百篇不必論矣漢魏六朝各有短長
初盛豈少浮詞中晚不無切響如以時限詩不佞固
非作者先生亦門外漢乎

前脰枚叔歌詩曹家樂府杜陵近體齊驅詠懷未許士
衡腕應制猶嫌太白粗外先生論詩可謂要言不煩只
是大雅不作古調誰彈可笑今人家誇北地戶號景陵
四聲未叶便擬三唐八句全非長稱七子休張目漫撚
鬚蠹聲蜩竅任伊呼合空災木老蠹魚秦人一火快哉
無

外古來文人苦無兼才。如子長有史無賦。長卿有賦無史。子美文不如詩。退之詩不如文。又文人在往無行。曾史蘭薰。辭章罕見。淵雲黼黻。名教多虧。先生校書何者。爲先末博而不精。寧專一藝。華而無實。難列四科。

三疊排歌。這合組賦。列傳書異。調原同曲。高文原道殊。新詩北征。獨或工銘頌。或長序論。花間蘭畹。亦堪錄正。言惟重魯。諸儒奇字。難容莽大夫。外先生所言。確然定論。聞嘉告。真起予。金利玉律。不能踰。合步亦步。趨亦趨。從今把臂入林俱。

插入沈楊
有迴龍顧
相之妙

作者于此
如淚不少

外下官嘗讀先生昌谷詩以爲得未曾有然錦囊作
句不免廁中之厄至如沈子虛上梁文楊墨卿催粧
詩天上天下第一奇才然在世間終身落第却是爲
何末先生不聞唐以詩取士李杜皆未登科且子雲
昌黎當時無不大笑之可見文章一道不但主司不
明并衆人不識了

前腔時不遇命已夫肉眼皆係父天高正則呼途窮嗣
宗哭君不見沈郎憔悴君不見楊生寂莫誰憐珠玉棄
如土便是我李賀呵纔稱進士謫書污幸附青雲上帝
都外說到此際東坡也是可憐人黃州住海外逐睂山

何處弔髯蘇。合步亦步。趨亦趨。從今把臂入林俱。

末清談已久。且與先生痛飲一杯。遣興何如。外樽酒
論文何快如之。

尾聲只一筆評千古。末端溪硯比。且提壺外。醉倒書床
不用扶。

兩人對酌山花開。一杯一杯復一杯。末我醉欲眠君
且去。明朝有意抱琴來。分下。

第二十五齣 仙訪

商調 水紅花。生冠帶上。夢來何處更爲雲。冷泥裙黃泉。
過曲 行盡南方。尚有未招魂。竊娘墳。天邊無恨。還恨生離死。

別撲簌簌淚沾巾。幾時茂陵秋雨對文君也。囉。

下官自地府差回，已經復命。但寒養妻子，踪跡杳然，使我愁懷百結。正是斷腸人遠，傷心事多。且待兄弟到來，問他詳細。則箇小生冠帶上。

前腔。青楓白露泛江濱。鮎魚鱗輕舟乘興，不知何處弔湘君。怨王孫。菱波難問，便有紅綃繫臂，尋不着采菱人。只索安排腸斷到黃昏也。囉。

見介。哥哥爲何悶坐在此？生。我因尋你嫂嫂不着，爲此悶悶。兄弟，你到水府，曾一問否？小生。小弟在四海五湖、三江七澤到處訪問，委無嫂嫂在內。生。悲介。我

錦心繡口

那妻呵

情至語可
買金石可
泣鬼神

紅衲襖只道你九疑山堆起竹葉墳只道你武陵源流出桃花觀我嘗向戲魚波上尋芳信你怎不迴雁峰前寄錦文不信你斷腸花同白草焚早把我同心結向黃塵殉兄弟我想人生世上若無仇儷之歡總使援地升天只算虛生浪死便學得歲星執戟天邊也割肉何年貽細君

小生哥哥且免悲傷待小弟想來那嫂嫂呵前腔既不在望鄉臺嘯碧嶙怎不化望夫石啼紅粉又不在弄珠江照淩波影何處有遺芳室返夢草魂莫不

是廣寒宮竊藥奔敢。則向赴陽臺行雲。遞哥哥小弟想
着了。多管被瑤池女伴相留也。戲駕青鸞弄白雲。

我聞十洲三島。西王母所居。統領仙女數千人。嫂嫂
必往那邊去了。乘此閒暇。小弟陪哥哥去訪一遭。必
有下落。生如此甚好。末捧旨劄。勅印上。玉旨下。詔曰。
咨爾修文郎沈白。楊云奉命分巡。地無冤獄。海不揚
波。克盡乃職。滋慰朕懷。茲聞塵世混濁。國家昏亂。賢
聖倒植。奸宄橫行。若不嚴誅。後子何鑒。特命爾二人
爲巡按天下監察御史。閱歷九州。糾彈百職。將威執
法。先斬後聞。膺此劄勅。無廢朕命。欽哉。謝恩。二生謝

又一快也

恩介末三位老先生恭喜請過勒印上方劍二生接
介末別介上天留富貴平地作神仙下生兄弟我私
情未遂公事頗仍爲之奈何小生雖奉玉旨尚未辭
朝先爲蓬島之游後命塵寰之駕未爲晚也生旣然
如此赳此風和日美吾輩更服微行更巾服介
隔尾生這微行不借烏臺印小生若耶爲訪浣紗人哥
哥但不知從那條路去生不妨但遇着山下樵夫便問
津

暫上貼上白雲飄飄星漢斜獨行窈窕浮雲車妾乃
瑤宮捲簾仙子許飛瓊是也今日玉母娘娘赴嫦娥

廣寒清虛之宴、命我守宮、看有何人來訪、好生答應。
你看水綠山青、鳥啼花落、是好仙家一派景致也呵。
懶畫眉碧天映水靜無塵、萬點桃花鋪紫茵、雲和吹微
月如銀、鴻都羽客休相問、恐驚瑤華帳裏人。

暫下二生上生兄弟迤邐行來、遠望已是三神山了。
小生好一派仙境也。

前腔生丹城絳闕望如雲、我與你渡過水去、楊柳青青
渡水人到了、巡檐鸞雀舞繽紛、小生你看雲海沉沉洞
天日、晚瓊戶輕閣悄、然無聲、不免輕叩、則箇推敲扣响。
雙環韻爲甚、斜日梨花淡閉門。

此景我
思

此人亦費
我夢思

叩介貼上來了

前腔何來阮肇與劉晨漫道明河不可親二生揖背介
好一箇女子也阿嬌初着淡黃裙低垂粉頸吹雲影錯
認吳王宮裏人

貼二位先生何來二生小生沈自揚云特來叩見玉
母娘娘貼娘娘今日赴廣寒清虛之宴已往月宮去

了二生如此無緣敢問仙姬貴姓貼奴家許飛瓊二

生聞名久矣何幸邂逅小生有一言動問貼願聞

前腔生仙妹環珮滿崑崙飛燕輕盈有箇人貼是先生

何人生薛燕山下故妻身貼姓甚名誰生姓魏寒貧小

字綢繆印敢煩仙姬一問此地明妃可有利

貼果然有箇魏寒簧姐姐見爲瑤宮散花女史

前腔華存原是魏夫人二八芳年未結姻亭亭艷影小花神小生是了今在何處貼今日已隨娘娘赴宴去了游絲偶被東風引這時節正好霓裳迴紫雲

小生哥哥既是嫂嫂不在暫且告辭另日再訪便了

生敢煩仙姬多多致意魏家娘子說有沈白相訪貼

曉得閉門不管窓前月分付梅花自主張下小生哥

哥且喜嫂嫂已登仙籍會合非遙生兄弟此來雖計

箇信兒但人面不知何處佳期未卜几時好教我放

心不下

前腔相思天上復離羣。回首西山祇暮雲。岸旁桃李爲誰春。小生少不得歸時約。取雙鸞。潤留下。蟻聲待畫人。
生曉入瑤臺露氣清。坐中惟見許飛瓊。小生塵心未盡。俗緣在十里下山。空月明同下。

第二十六齣 入月

此詞了後
無字上梁
文
前呂掛真兒。場上設月宮小旦白衣侍女隨上。曉起偷引粧鏡篋。閃清光透出些些。露冷笙簫風清環珮。又是人間良夜。

蚌胎光透殼。犀角暈盈尖。玉杵催銀兔。金盤開寶蟾。

妾乃嫦娥居廣寒之宮清虛之府一輪皎潔肅一千
二百里之中七寶圓闕周三萬六千年之內上帝見
我瓊樓寂寞玉宇傾頽特賜金錢重興土木六斗雕
欄三階列砌入憲結綵四壁懸黎真如大海晶宮不
數則天鏡殿又命新殿元沈于虛作上梁文筆堪題
柱音欲繞梁最愛他落句宮殿如明鏡嫦娥號麗華
足壽妾之風流矣今日上梁吉期分付各匠起工者
衆扮匠上梁介合唱

仙呂醉羅歌架屋架屋教魯班拽伐木伐木教吳剛截
過曲去天尺五又高些飛動凌雲榭珊瑚檻下兔兒走也珍

珠簾下。蛙兒吹也。登高眺望。聞風野酒一石。歌三疊。參
橫斗轉影兒斜。

〔小旦〕可唱沈狀元上梁詞。一人唱上梁東。夜光照破
天河空。萬頃琉璃寒徹骨。主人疑立玉山中。一人唱
上梁南。一鉤斜捲夜明簾。笑駕白鸞吹舞罷。鏡臺畫
出小眉尖。一人唱上梁西。碧天夜冷寒蟾啼。淡院素
娥閒鬪草。玉簷輪盡撒金堤。一人唱上梁北。清露晨
流桂花濕。倚欄一曲紫雲迴。二十四橋秋瑟瑟。一人
唱上梁上。三五二人遙相望。長門夜靜不捲簾。嬋娟
游戲芙蓉帳。一人唱上梁下。玉樓盡覆鴛鴦瓦。他年

此廣寒宮
玉樓與
賀白玉相
目別

重造合歡宮免教嫦娥嘆早寡。小旦笑介狀元之言
近乎謔矣。衆稟娘娘討賞。侍外廂伺候去。衆下。老旦
同旦捧桃上。老旦明月幾時有。把酒問青天。旦不知
天上宮闕。今夕是何年。老旦我欲乘風飛去。只恐瓊
樓玉宇。高處不勝寒。旦起舞弄清影。何似在人間。侍
報介王母娘娘到。小旦迎介老旦恭喜月姊玉樓落
成。敬携蟠桃以祝萬壽。小旦既在旌旄。又承雅贖。何
以克當。侍接桃介小旦此位是誰。老旦是散花女史。
魏寒簧。旦娘娘在上。客寒簧拜見。小旦不勞請坐。旦
寒簧怎敢。小旦同是仙家。列坐不妨。旦告坐了。小旦

庭下桂花盛開。妾備一酌。爲阿母洗塵。老旦如此叨。
擾。予內作樂。小旦送酒。合老旦桂子月中落。天香雲
外飄。是好花也。

桂枝香。池荷粉謝。澤蘭芳歇。銀宮碾出金芽。瓊樹霏開
珠屑。王孫漫折。王孫漫折。玉繩高揭。天香不夜。合美華
奢。山鬼將旗。結湘君鼓。櫓斜。

老旦老身久聞月姊有紫雲迴一曲。願聽佳音。小旦
下里巴人。恐污尊耳。唱。

北。寄生草。曲彎彎。翠黛斜。是團團。菱鏡揭。粧臺低照。芙
蓉結。關山冷。伴沙棠。掛沙場。寒浸珊瑚。映春風。正映彩。

雲開秋江又逐殘星滅

〔老旦〕詞高白雪，響遏青雲，歌得好也。寒簧，你職司散花，可手折桂枝，借奉一觴。〔旦〕曉得。折花送酒唱。

桂枝香，霜葩雲葉，丹霞絳雪，黃衣色比佳人金粟香分。王者清芬秀絕，清芬秀絕，狂蜂浪蝶，未容撩惹。〔合〕漫吞嗟，杯酒酬江月，酒醒何處也。

〔老旦〕老身又聞月姊有霓裳羽衣之舞，并求一觀。小旦愧非細腰，恐玷慧眼，舞介。衆合唱。

北對玉環帶清江引，羯鼓催迭蓮花步步，遮華燈明徹。柳枝裊裊斜裙帶，隨風揭鞋弓，着地折。簇蝶驚鴻，迴波。

詞天廣集
范家衍衣
紅雙龍
何幸子鶴
中並見之
杯盤舞辭
無此以施

飄飄雪當筵劍戟清眸射燕子掌中擎玉簪席上貼則
愁化作彩雲飛去也

老旦翻如飛燕婉若遊龍是好舞也太真姬子安能
擬其萬一小旦過承謬譽老旦聞廣寒宮上祭文係
沈狀元所撰可借一觀否小旦其文頗長與括一詞
請爲阿母歌之老旦願聞小旦唱生桂枝香介老旦
絕妙好辭名不虛傳月姊那沈狀元就是寒貧夫婿
人間未偶留待天緣小旦原來是狀元夫人失瞻了
阿母主婦妾願爲媒旦娘孃又來取笑老旦寒貧嘗
對老身說氣從月姊學紫雲之歌霓裳之舞不識肯

金寶爲月
府侍書出
對

相留否。小旦。月府正少侍書。借光甚好。但恐有屈。旦。
多謝娘娘。

尾聲。瑤宮暫向尊前別。小旦。素娥。班添一對。小。菱靴。老。
旦。只是不死靈丹。休再竊。

旦。冷露無聲濕桂花。老旦。水晶宮裏醉流霞。小旦。誰。
人學得霓裳舞。碧玉今時闕。飛華。老旦。別下。小旦。寒。
簫。隨我進來。旦。應同下。

第二十七齣 世墓

此齣指快
極矣。問者
自快作者
自痛。

中呂。滿庭芳。二生引隊。捧勅印。劍上生風。伯隨車。雨師。
引子。除道。馳驅又到塵凡。小生。關山千里。明月照帷幃。驚看。

縹。縹。白。骨。問。何。人。紅。粉。與。青。衫。
合。傷。情。處。玉。鞭。雲。外。春。色。滿。江。南。

到底愚聊
識見高似
子虛益沈
生血性人
也滿腔思
志不能消
還若楊生
則境遇既
甘憐情復
聊便登天

昭君怨。生憶昔風塵飄泊。半枕黃梁初覺。小生今日
又重遊舊井州。生故國不知何處。滿地落花飛絮。小
生千古總堪哀。鶴歸來。生兄弟我與你二十年吳下
措。大个來帝命。巡歷人間。雖有畫錦之榮。未免夜臺
之感。小生哥哥我看世上蜚角虛名。蠅頭微利。金哥
未變玉顏已滿。苦並幸脫五濁界中。得登大羅天上。
俯視一切。真如夢幻泡影。盡付連觀。此中感慨。從何
說起。生賢弟所言。頗開茅塞。今日巡歷何處為先。小

上天下無
人不可

生京師首善之地當自此始生分付打道往京城去
衆應行介外汾城隍手本上北京都城隍迎接老大
人末扮土地手本上北京五城土地迎接老大
生請起一邊衙門相見設二公案坐介外末見下生
兄弟這就是長安道上你我舊遊之地了小生正是
過曲榴花泣生長安道上虎豹九關嚴聲赫赫氣炎炎
你看這班小人呵乞兒向火倚冰岩呈身閑老屈膝拜
宮闈小生羣僚具瞻都則是李猫蜜口盧藍臉問何人
啓事彈章見整日升級加銜

生兄弟我想滿朝官員有欺君的誤國的賣官鬻爵

杜所云

然對面

一宗哭一
路哭去

新科舉卷

的、嚴刑酷罰的、貪財聚斂的、驕奢無忌的、頑鈍無恥
的、纍纍若若、誅之不可勝誅、惟科名一塗、尤爲吃緊、
士子三年燈火、五夜風簷、却被金穴銅山、公然奪去、
就是他功名熱中、以富易貴、可恨那考試官、見利忘
義、竟把錦繡文章、一筆勾之、吾兩人已身受其害、今
日須着實懲治一番、以儆其後、小生哥哥言之有理、
前腔生至公堂上、讀卷漫分簾、房十八、候三千、笑他夢
中、囁語病中、謊胡圈、亂點絕妙、細評添、小生這也罷了、
最可恨的、高才久淹、明珠又碎、魚腸劍、收猪奴、立致雲
霄鈞、鰲客冷落風簷、

看眼

伏戰汗
大白

生今治此輩當以何圖爲首雷神何在雜扮雷公電
母上生速將翰林院學士何圖拿來發落神領法旨
下米走上神追拿押上介二生何圖怎麼也有今日
漁家燈你狠心腸只顧貪婪冷面孔全沒羞慚賣經書
片語千金售批評一字三嫌你認得我兩人麼末犯官
肉眼不識泰山二生我就是沈白楊云落第的舉子末
阿呀是小人不是了饒恕狗命罷生怒介哇胡說你早
知今日來求減問當日逐客何堪雷神將何圖擊死
令通衢背上大書賄賣科甲屈殺文才帝命震施極示
後來神應擊下二生大笑介掀髯皮囊臭腹穢花柳毒

誰苦甜

生直日功曹何在、韓勣功曹上、生連將翰林院修撰、賈斯文編修程不議、扶風太守魏無知、三人拿來發落、神領法旨、下鎖三人、冠帶上跪介、二生笑介、好箇狀元榜眼、揆花郎也。

前腔生賈斯文、你喬公子百樣尊嚴、小生程不議、你老朝奉一味癡憨、合穢形骸、合變坑堑、濫聲名、誤點宮蟾、淨爺爺這是老子分付試官的、與小的無干、副淨爺爺小的、是銀子買來的、如今做了折本生意、家裏弄得精窮了、生也罷、賈公既死、賈斯文、純裨無知、同妻杜氏、罰

快哉淨一
大白

昔日魏無知不認妹
丈今日
子
妻到
雨家誰得
誰失

作。早。田。院。乞。兒。凍。餓。而。死。程。不。識。家。貴。既。盡。罰。他。雙。臂。
永。作。廢。人。雜。持。破。衣。與。淨。穿。擦。副。淨。眼。瞎。介。淨。阿。呀。醒。
醒。醒。醒。怎。麼。着。得。我。如。今。學。鄭。元。和。唱。蓮。花。落。狀。元。郎。
副。阿。呀。楊。眼。楊。眼。做。了。瞎。眼。扯。淨。介。我。還。跟。你。到。養。濟。
院。做。同。僚。去。小。生。魏。無。知。其。罪。雖。同。但。看。嫂。嫂。分。上。有。
議。親。之。條。應。從。未。滅。生。兄。弟。差。矣。自。古。天。道。無。親。况。他。
在。扶。風。時。將。我。羞。辱。趕。出。此。時。豈。知。有。親。誼。乎。魏。無。知。
你。既。然。要。把。關。防。檢。怎。自。己。不。做。清。廉。丑。妹。丈。爺。爺。當。
日。我。送。一。兩。銀。子。這。是。綈。袍。戀。戀。之。意。看。舍。妹。面。上。饒。
了。我。罷。生。呔。誰。認。你。妹。丈。來。你。奇。貪。異。酷。只。依。王。法。該。

無知免死
畢竟老婆
心切

太史公曰
怨毒之于
人甚矣哉
天且不平
而況于人
乎

問斬罪姑從寬典貶死鬼門關雜枷丑介丑阿呀秋風
客報讐了生髡鉗長流日南合這一榜殺三宥三

生傳都城隍來外上有何法旨生這三人弄案陰註
陽銷勅付主者施行外顧法旨帶三人下生其餘案
牘明日再斬

尾聲這回方釋胸中憾小生始信道恩怨分明天上嚴
生兄弟我與你燕寢凝香且下簾

今朝乞丐牢囚鬼昔日門生大座師小生善惡到頭
終有報只爭來早與來遲同下

黃子 傳言玉女小且宮粧上秋氣天高一葉梧桐落
碧空中風尖月小明河清淺裁雲錦晚粧低照鵲橋未
駕蛾眉先掃

鵲橋仙 鵲與初駕牛車齊發隱隱鵲橋咿軋尤雲滌
雨正歡濃但只怕來朝初八霞垂彩幔月明銀燭覆
郁香噴金鴨年年此際一相逢未審是甚時結煞妾
乃織女下嫁牽牛因貪戀忌歸上帝不悅止許七月
七日一年一度離多會少樂極悲來今夕又當渡河
之期不免將七裏錦文織作一番了此殘機以圖佳
會多少是好織女

黃鐘 過曲 降黃龍只見北斗闌干。白露微流。淡月新交。兩情脉脉。一水盈盈。七夕迢迢。空勞支機軋軋。嫁衣裳爲他。人作漫學得扶風錦織。南陽砧擣。

老旦扮女官上。玉旨下。小旦跪接介。詔曰。咨爾黃姑。作配河鼓。因貪歡遊。暫謫分携。秋以爲期。日惟不足。茲當限滿。宜復團圓。用勅修文郎楊云。賦催粧詩。可令烏鵲成橋。卽送牛郎。永居織室。安乘七夕。共拜三星。勉圖偕老之方。母負于歸之命。欽哉。謝恩。小旦謝介。老旦。娘娘早則喜也。分付天河烏鵲。速來做橋者。內飛烏鵲造橋介。

俗扮牛郎
作牧童狀
以甚豈有
玉帝女塔
不得一經
帶者乎
以一夜勾
除三百六

前腔換頭。老旦藍橋一飲瓊漿。此日裴航重遇雲英。香
車雨洗。蕭管風吹。簾幙霞標。小旦敢問天使。催粧詩何
在。老旦在此。出詩念介。黃姑新嫁日。漢使正乘槎。天母
親調粉。日兄憐賜花。催舖百子帳。待隘七香車。借問粧
成未。東方欲曉霞。小旦是好詩也。揮毫散珠橫錦。幾行
山川香草。試度作銀河樂府。韻叶瑯瑤。

〔末扮牛郎冠帶鼓吹上過橋介〕

黃龍醉太平。〔末〕凌霄帶月披星。握雨携雲。衾稠顛倒。三
百六十舊債勾除。總在今宵。〔末小旦交拜介〕合歡樂今
宵。結就鳳鸞交。悔往日離多會少。長眠不曉。生生世世
鈞天樂。

下本

天

十日似乎
折本皆主
生世世長
跟不曉別
利又太多
矣

暮暮朝朝

老旦你看世間男女都乞巧來也我且告辭同去別
下末小旦登臺介生旦淨丑雜扮男女上鵲橋仙生
碧梧初出桂英纔紅池上水花微謝旦穿針人在合
歡樓正月露玉盤高瀉淨蛛忙鵲懶耕慵織倦空做
古今佳話丑人間剛道隔年期怕天上方纔隔夜合
今日七夕吾等在此乞巧則箇

滾遍遙瞻烏鵲橋遙瞻烏鵲橋近接青牛阜玉女金童
攜手雲中笑恭陳瓜果虔心祈禱五色線九孔針穿來
巧

你看瓜兒菜兒上都有蟾子，敢是天孫賜巧來也。正是梧桐枝上月，明多瓜果樓前，艷綺羅不向人間賜人巧，却從天上渡天河。下末小旦下臺介。
前腔合針樓士女招針樓士女招，癡飲真堪笑。一夜雙眠何暇來分巧，柳州偏使下賢嘲調。長生誓長恨歌多，忘了。

尾聲末今宵剩把銀缸照，小旦修舊的比新嬌倍好。末携小旦手介，再不許寒煖分泉，向世上逃。

小旦無窮會令，豈愁思不止，浮生有別離。末天上已

成朝暮約，人間猶作隔年期。同下。

第三十

商呂引子虞美人二生巾服上生登山臨水何時了，兩地愁
多少。小生畫斜樓上信沉沉，盼殺海棠開後到如今。
踏莎行生月上瑤臺花開圓苑花，膚月貌何時見人。
言路遠是三山，作人更比三山遠。小生瘦損詩腰，啼
殘粧面，枕函同結相思中人。言弱水幾多淺，算來不
抵相思半生兄弟我與你勾當公事，又經時日，形存
神役，室邇人遐，乘此優游，再行尋訪，倘不見我妻之
面，當哭死三山矣。小生哥哥不必悲傷，小弟陪行便
是行介。

昔嘗云沈
生善哭者
也。則此又
找一劇服
候。

仙呂入 **風入松** 生 一從絃斷鳳皇琴。日夜恁餐糜。寢人

同離別。先成識。奈天上別離還甚。兄弟一路行來。三山
又在望了。極望處。清溪茂林。則怕蓬萊島。變做斷腸岑。
前腔 小生 三星勾月兩人心。恨煞鴛鴦。弄鴛鴦。今朝馬過
珊瑚枕。細認取。蕭郎名。沈哥哥此間。已是王母瑤宮了。
依舊見山高水濺。鼓瓊戶漫抽簪。

裏面有人麼。貼上 白雲本是無心物。又被清風引出
來。見介 二位先生。却早兩遭兒也。二生 敢煩仙姬通
報。娘娘說。沈白楊云求見。貼 娘娘有請。老旦上
急三鎗。剛睡起。問門外誰何客。踏花陰。

〔貼〕有沈楊二位修文求見娘娘。老旦請進二生娘娘
在上。容沈白楊云拜見。老旦不勞請坐。

前腔原來是章臺馬桃源棹風吹下果車臨。

二位先生何來。〔生〕客稟。

風入松當初結下鳳頭簪。老旦是賢夫人麼。姓甚名誰。
〔生〕魏氏寒簫舊名姓。老旦一問在何處。相別几時了。〔生〕
恨并刀割斷迴文錦。幾下的雁杳魚沉。今聞得在娘娘
膝下。願求一見。問何日連枝並枕。空翹首隔商參。

〔老旦〕此事我久已知道了。那寒簫呵。

前腔望山山橐碯常啼斷白頭吟。只是如今已爲月府。

我願爲一戶
若使寒簪
在此何以
相見于此
見作者妙

侍書去了、好向廣寒宮闕去追尋霓裳女應堪質

〔生〕我沈白兩次尋訪、不能一遇、如此無緣、

前腔問來還錯、知他怎一似吞線和針、小生下官不搗、

敢求娘娘申奏上帝、完此良緣、一封書奏淡宮朕、雨下

裊總叨福蔭、老旦這是美事、當得領命、先生請回、明日

聽丹輝玉音、安排下一幅合歡衾。

〔二生〕如此多謝娘娘、老旦新郎本是天邊客、老母權

爲月下人、下生兄弟、王母雖許奏聞、未知旨意若何、

我與你還到廣寒宮、圖一會面、方有着落、小生哥哥、

我想廣寒宮乃嫦娥所處、他少年獨處、與老王母不

不、嫦娥
愛少年乎

同吾輩男子未便排闥直入小第當令弟婦去走一
遭。妯娌相見必有真話。生此說更妙。小生畫梁春燕
須同宿。蘭浦鴛鴦肯獨飛。生却笑瑤池諸女伴等閒
花裏送郎歸。同下

第三十齣 閑敘

越調
引子 霜焦葉。日白衣上。琉璃千頃。照破紗窗。令人立鏡
中。花弄影。側秋風。新寒玉笋。

長相思。怨婦娥。笑婦娥。碧海青天夜夜孤。芙蓉冷。小
娥病。如何恨。如何薦。草何年。施女蘿。閑將柳帶。那奴
家寒。蜜昔爲。毒宮花。史。今年月府侍。書歌學。紫雲舞。

寧爲才鬼
莫作頑仙
正以其不
解相思字
耳

成雲

京雖飄渺情實淒

娥說沈郎已中

狀元廣寒宮上梁文出其手

公家國之一則以喜

一則以憂喜則喜人間離

子可通憂則憂天上

姻緣驚膠難續只道世間作

才子都害相思不知

相思二字仙家更自不減則我這懣懣弱質寂寂空

房好悶損人也阿

越調
過曲

小桃紅

原來瓊樓玉宇碧澄澄一樣淒涼境

也似空閨藥煙影裏煮孤燈小立伶仃則見那雨

零露泠泠風井井都助我傷秋病也伴空床數點殘星

不要說是奴家便婦娥禁不得清獨睡也睡難成

沈郎你春風得意雲路遨遊也該追想舊緣尋消問
息難道不念奴家爲你一病而亡嘆介咳只是人間
咫尺如隔山河天際茫茫何由會面

下山虎昔日簡瑤宮萬里遠隔蓬瀛今日裏月殿程途
迥又隔瑤宮幾層那牛郎織女也是仙家七月七日已
經嫁娶偏我寒簧呵小扇輕羅畫屏燭冷臥看牽牛織
女星內鼓吹介何處笙歌鼓多又是小霓裳舞廣庭待
我假寐片時作睡介夢度梅花嶺作醒介無人自驚又
睡介今後呵敲遍欄杆喚不應

蠻牌令小旦上偶出錦官城還到碧雲京凌風微步扶

如在玉山行。奴家齊素絢。相公令我來訪魏家。

路行來此間。已是蕭寒宮了。好一片清虛境界也。似種
水空明無定花枝亞。荇藻交橫呀。淡院無人。爲何獨睡
在此。待我斗他一聲。如姐姐姐姐。看他紅粧鞦素。兀凭待
頻呼鸚鵡偷揭金鈴。旦醒介

五般宜莫不是打茅檐鐵馬鈴釘。莫不是吹曲檻木葉
零星是誰人蹴喚。小魂靈。小旦姐姐。妹子在此。旦看介
呀。那裏來九天玄女。亭亭倩影。只是我平生未訂。何勞
你山陰乘興。小旦姐姐。我不是別人。是你妹子齊素絢。
旦起介。却原來是姊妹連行。把雲鬟忪再整。

拜介小旦久飲香名幸瞻玉貌旦每懷雅範急降仙
車賢妹我聞得你寄居芙蓉城中此來却是爲何小
旦容告

五韻美一向的閉湘簾倚玉屏幾曾閑踏蒼苔徑今日
呵散相思特達蕭郎命我家相公與沈相公會到瑤宮
訪姐姐兩次不遇而返花欄石磴賺來玉巫山久等後
來曉得姐姐在黃寒宮他兩箇兒郎不便來訪因此教
小媒妁做証盟早結就松柏同心鴛鴦交頸

旦奴家與沈郎雖係宿已離隔世况奴家女孩兒
怎好啓旦

不敢請耳
國所願也

餘波晏娜

江頭送別斷頭香前生的相思已經斷腸人今生的相逢怎生便道心香一瓣檀郎聘怎好女孩家自主三星

小旦這也不難前日王母娘娘已許奏聞上帝待奴家告過嫦娥一同申請便了

江神子老母點黃萍已謫免素姊再表陳情一雙環珮共奏天庭衙門知道定依卿姐姐你索把新粧早覲

旦多謝賢妹請到後房少敘小旦姐姐如今不要喚我做妹子了旦爲何

尾聲小旦他兩人本是弟和兄我兩箇應呼姊共嬌旦笑介這等嬌嬌請小旦姆姆請旦今後呵月下花間常

則是挽手行。

大婦前行小婦隨君看女却作門楣。
小旦春宵一刻千金值惟有新人仔細知。
同下

第三十一齣 奏婚

仙呂 鷓鴣天老旦朝衣笏上碧水丹山隔紫微聖朝無
事奏書稀秋風一夜吹紅葉又向軒窗待滿飛

老身王母爲沈白魏寒簪人天姻眷感其情至特奏
天庭已到朝門又見一位女仙來也

換頭小旦朝衣笏上含素影吐清輝光添銀燭見閨家
漫搖玉佩趨金殿爲奉天書拜瑣闥

此詞近人
皆唱爲北
曲矣惟詞
隱先生力
辨爲南曲
然如流杜
紅拂等劇
梨園以北
腔唱之亦
近鮮可聽

見介老旦原來就是月姊可爲寒簧劇事而來小旦
正是老旦如此一同伏奏伏介內階下俯伏何人老
旦臣妾瑤池金母婉姁奏聞陛下內奏來老旦那修
文郎沈白呵

仙呂入 二犯江兒水風流學士果是風流學士他與魏

寒簧呵紅絲從小繫奈伯勞燕子隔斷東西悼亡詩悲
已矣今幸漸天達傷懷憶屢屢鴻案誰齊蝶夢空迷幾
番來繞空梁尋舊壘遠山黛眉何日畫遠山黛眉江皋
珠珮何處解江皋珠珮因此上乞天恩判賜故妻

內玉音問來魏寒簧是何女子今在何處小旦臣妾

廣寒宮嫦娥奏聞陛下內奏來小旦那魏寒黃呵

前腔瑤宮花史本是瑤宮花史今爲月府侍恨前生風
雨泣葬花枝折桃夭分燕爾腸斷華山謫天邊未結藕
藕羽差池鸞影淒其可憐他怨叙頭泣枕背秦樓鳳飛
幾時得秦樓鳳飛魚山仙配早賜與魚山仙配赤紫的
美姻緣正好唱隨

內玉旨下覽二卿所奏具見情懇沈白魏寒黃准判
爲夫婦敕御前金蓮花燭賜與完婚另有後旨二旦
萬歲小旦死別生離天一方買絲重與繡鴛鴦老旦
月姊你嫦娥作伐身難保怕有旁人說短長同下

第三十二齣 連珠

異樣宣榮

引子 柳稍青 末言服上山月穿天。古今開闢第一團圓。雲漢點名瓊瑤眷屬錦繡神仙。

下官李賀與沈子虛楊叢卿同榜及第官拜修文郎

曰玉樓校書今奉玉旨搬御前金蓮花燭與沈年兄

魏年嫂成婚着下官相禮并設連珠之宴我想人世

最慕的是金榜掛名可恨那班酷吏貪官羞殺舉人

進士最醜的是洞房花燭可笑一夥狂夫蕩婦點污

才子佳人便做二十四考中書紫綬朱衣不過半刻

黃梁春夢假饒三十六宮妃女翠鈿紅粉總成一堆

詞場有記
白一齣
詞文字收
場便行李
實一齣快
活文字

白骨秋墳誰似沈子虛的才調真箇瑤臺仙史咳唾
風雲若論魏寒簧的姿容何異姝射神人肌膚冰雪
你看錦袍花帽天邊喝道狀元這富貴自是非凡又
見寶馬香車月裏娶來新婦這姻緣可也不俗正是
洞天福地迎嬌客秋水春山勝美人道猶未了金蓮
使者早到也雜八人提金蓮燈上合唱

中呂
過曲
馱環着送修文翰苑送修文翰苑詔賜金蓮火樹
星橋影搖紅線行繞嫦娥內殿簫鼓聲齊迎取紫雲娘
芙蓉嬌面飲合卺銀燈重剪笑披却玉臺鸞扇華堂
識
畫閣眠還高照紅粧海棠花畔

異樣宜非

天之所
為天也

〔衆下〕生花帽上

柳稍青換頭一天笑語喧闐。誰喚我新郎狀元衣錦王喬倫丹韓壽傳粉彭箋。

〔見介末〕沈年兄恭賀喜待年嫂到一同接詔〔衆蓮燈鼓吹引旦轎上末〕聖旨已到跪聽宣讀詔曰男女居室自古皆然情愛所鍾上天弗禁咨爾修文郎沈白才高三極功被六幽愁如宋玉應步清華湯比相如宜求能麗月府侍書魏寒黃絲蘿久結琴瑟中乖朕甚慰焉今准金母嫦娥所奏判賜完婚撤御前金蓮花燭爲連珠之宴辭遣校書李賀主席卽拜沈白

又。一。快。也。
正。如。這。屋。
門。向。大。門。
雖。不。得。肉。
費。且。快。意。

李。那。何。得。
和。口。信。

為紫虛殿學士。魏寒簫為碧夫人。賜第一。所在。亦。
有。天。以。難。浮。為。湯。沐。邑。賜。呼。官。懸。以。德。豈。必。顏。子。多。
財。情。生。于。文。不。比。豎。徒。好。色。永。垂。天。表。留。勸。人。間。飲。
哉。謝。恩。生。日。叩。介。萬。歲。末。請。過。玉。旨。生。接。介。小。生。上。
翠。管。近。傳。五。雜。組。小。旦。上。紅。膏。新。試。七。香。易。雜。報。稟。
爺。楊。爺。齊。夫。人。到。生。且。迎。介。小。生。哥。哥。恭。喜。小。旦。姆。
姆。恭。喜。小。今。日。飲。賜。連。珠。宴。一。同。登。席。小。弟。把。盞。內。
鼓。吹。場。上。設。連。珠。末。定。生。日。一。席。小。生。小。旦。一。席。末。
陪。席。介。末。年。兄。昔。日。釣。天。宴。上。有。為。三。人。今。日。連。珠。
宴。上。又。添。兩。位。年。嫂。真。人。生。樂。事。也。

欲以許服
豐錄之

一齊收拾
十分熱鬧

山花子。鈞天宴罷連珠宴。三人對影依然。更雙雙玉人
比肩步移芳。笑笑生妍。合羨同登氣氤洞天。黃金鑄成
比目仙。今宵繡幃交頸眠。只怕明朝日過花磚。

小生哥哥官居學士。可消靴筒之愁。室醜書仙足解
世偶之恨。宜拋一醉。毋負佳期。生與賢翁同之。

前腔。小生木天簪筆。仍司憲。羞他滿座貂蟬。小旦艷陸
離纖腰秀鬢。好消磨翠月紅年。合羨同登氣氤洞天。黃
金鑄成比目仙。今宵繡幃交頸眠。只怕明朝日過花磚。

雜報稟爺。文昌宮張爺差人賀喜。又掌文院蘇爺差
人賀喜。又芙蓉城石爺差人賀喜。又遮須國曹爺差

人賀喜生何帖拜上

點后一帖
亦不可少

前腔換頭着鞭偶先姻事完前件玉成愧荷諸賢定情
詩金花錦箋更承恩欲奏甘泉合羨同登氤氲洞天黃
金鑄成比目仙今宵繡幃交頸眠只怕明朝日過花磚

侍報稟夫人客宮王母娘娘差侍女賀喜又月宮嫦娥
娥娘娘差侍女賀喜又銀河織女娘娘差侍女賀喜

二侍兒拜上

前腔花前月前憶別吹簫伴今日又想夫憐弄荷珠分
開又圓戴合歡勝子嫣然合羨同登氤氲洞天黃金鑄
成比目仙今宵繡幃交頸眠只怕明朝日過花磚

仙進而佛
更上一層
○山陽云
哭蒼
哭天乎
哭世乎
哭樂一書
地

笑局由他

舞霓裳漫說功臣
畫凌煙畫凌煙漫說才郎
配琴絃琴絃休從冠帶麒麟位
顛不刺刺粉黛鉛問何似
瑤天軒冕月宮倩得婦如雲
喜如願

紅繡鞋繡襦甲帳游仙游仙
舞衫歌扇泰禪泰禪新活
計舊姻緣論究竟總堪憐且
嘯嘯一哭蒼天蒼天

尾聲莫須有想當然子虛子
墨同列傳游戲成文聊寓
言

庾塵撲面總難清

阮魂當胸自不平

文鳥會從天上匹

有枝只許月中生

無人解築黃金穴

有夢能游白玉